

¡BOMBA!

Sorpresas se ven a veces,
serán los tiempos que vienen:
ahora con Trump todas tienen
conversaciones corteses.



K'uintsil

Jueves 15 de enero de 2026

CAMPECHE · YUCATÁN · QUINTANA ROO · AÑO 11 · NÚMERO 2643 · www.lajornadamaya.mx



Oochel X @DragonsofWales

Kaxta'ab túumben díinosauryoó tu noj lu'umil Coahuila suukchaj u jaantik bak'

Juntúul túumben díinosauryoó suukchaj u jaantik bak', Xenovenator espinosai, jts'a'ab k'ajóoltbil tu sentiifikail pikil ju'unil Diversity, tu'ux béeychaj u ts'a'abal k'ajóoltbil jayp'éel ba'alo'ob ojéela'an yóok'olal bix úuchik u bix u kanik kuxtal díinosauryo'ob tu k'áaxil México. U yúuchben baakel u wíinkilale' kaxta'ab tu noj lu'umil Coahuila, tu baantail Formación Cerro del Pueblo, ts'o'oke' yaan kex 74 miyoonasil ja'abo'ob u yúuchbenil, tu jats k'iinilo'ob Cretácico Tardío.

Xaak'ale' jbeeta'ab tumen junmúuch' táanxel kajil máako'ob jo'olbesa'abo'ob tumen páaleontoolo'ob ku meyaj tu kúuchil Museo del Desierto yéetel Universidad Humanista de las Américas, úuchik u beetiko'ob m'úul meyaj yéetel u noj najil xook Universidad de Bath, tu noj lu'umil Reino Unido.

Ichil ba'ax a'alab tumen jpaleontológoo Héctor Rivera-Sylvae', yóok'olal bix u wíinkilal ba'ax kaxta'abe' béeychaj u je'ets'eljuntúul Xenovenator, méeka'an tumen u jejeláasil troodontidos, junmúuch' díinosauryo'ob suukchaj u jaantiko'ob bak',

ma' náach ku máano'ob ti' bix úuchik u yantal ch'íich'o'ob. Ku tukulta'ale' ku p'isik óoli' jump'íit maanal óoxp'éel meetreo'ob, ts'o'oke' jach táaj uts u paakat yéetel u yu'ubik ba'al.

Ba'ax kaxta'abe' ku ye'esik uláak' túumben ba'alo'ob yóok'olal beyka'aj u jejeláasil díinosauryo'ob yanchaj tu noj lu'umil México, tumen ku tukulta'ale' yanchaj ba'alche'ob xa'ak'paj ichil u lu'umilo'ob Asia yéetel Norteamérica ichil u jats k'iinilo'ob Cretácico Tardío, le beetik ku mu'uk'anchajal tuukul a'alik tu noj lu'umil Méxicoe' béeychaj u jelbesk u wíinkilal le nukuch ba'alche'obe'.